

**Nuna tamakkerlugu ikiaroorntoq hash-ip akiorniarneqarnissaa pillugu iliuusissamik pilersaarummik UKA 2016-imi Naalakkersuisut saqqummiussaqaqqullugit Inatsisartut aalajangiiffigisassaattut siunnersuut.**

*(Inatsisartunut ilaasortamit, Mimi Karlsen, Inuit Ataqatigiit, saqqummiunneqartoq)*  
**pillugu**

**Ilaqutariinnermut Peqqissutsumillu Ataatsimiititaliap isumaliutissiissutaa**

**Siunnersuutip aappassaaneerneqarnissaanut saqqummiunneqartoq**

Ataatsimiititaliaq kingullermik suliarinninnermini ukuninnga inuttaqarpoq:

Inatsisartunut ilaasortaq Tillie Martinussen, Demokraatit, siulittaasoq  
Inatsisartunut ilaasortaq Agathe Fontain, Inuit Ataqatigiit, siulittaasup tullia  
Inatsisartunut ilaasortaq Jess Svane, Siumut  
Inatsisartunut ilaasortaq Laura Tàunâjik, Siumut  
Inatsisartunut ilaasortaq Ineqi Kielsen, Siumut  
Inatsisartunut ilaasortaq Ane Hansen, Inuit Ataqatigiit  
Inatsisartunut ilaasortaq Mimi Karlsen, Inuit Ataqatigiit

UKA 2015-imi ulloq 4. november 2015-imi siullermeerinerup kingorna siunnersuut ataatsimiititaliamit sukumiisumik misissorneqarpoq.

**Siunnersuutip imarisaa siunertaalu**

Nunatsinni nuna tamakkerlugu ikiaroorntoq haship akiorniarneqarnera pillugu suliniutissatut pilersaarummik Naalakkersuisut suliaqarnissaat siunnersuuteqartup kissaatigaa, taannalu kingusinnerpaamik UKA 2016-imi saqqummiunneqassaaq. Hashi akiorniarlugu suliniuteqarnissamut tamakkiisumik isiginnilluni ataqatigiissumillu suliniuteqarnissaq pilersaarummi siunertarineqarpoq, hashimik atornerluinerup inuttut, ilaqutariinnut aningaasatigullu annertuumik pitsaanngitsumik kinguneqartarnerata saniatigut hashimik atuineq inuiaqatigiinni annertuumik ajornartorsiutaavoq.

**Siunnersuutip Inatsisartuni siullermeerneqarnera**

Hashimik imigassamillu atorneerluinerimi hashimik imigassamillu atorneerluisunut avatangiisaanullu pitsaanngitsumik kingunerluuteqartarnera nunatsinni annertoorejussuarmik ajornartorsiutaasoq akissuteqaammi Naalakkersuisut tapersiipput. Inuuneritta II-mi periusissiami hashimik atuinerup pinaveersaartinneqarnissaa sammineqarpoq. Suliniutini aallartisarneqartuni suliniutit Naalakkersuisunit taaneqarsinnaapput “Ilaqutariinnut naartusortalinnut siusissukkut suliniarneq” aamma suliniut “Ilaqutariinnut inissiaq”.

**Hashimik atorneerluinerimut iliuusissatut pilersaarummik** suliaqarneq aallartinneqareersoq Naalakkersuisut oqaatigaat. Hashimik atuinerup pinaveersaartinneqarnissaanut paasisitsiniaanissaq ilaatigut iliuusissatut pilersaarummi ilaatinneqarpoq. Iliuusissatut pilersaarummi aamma ilaapput ineriartortitsineq aamma atuarfinni, suliffinni suliffeqarfinni, peqatigiiffinni sunngiffimmilu aaqqissuussani aanngajaarniutinut politikkissamat atortussat suliarineqartut. Hashimut iliuusissatut pilersaarut nunatsinni 2013-imiit 2019-imut imigassamut Iliuusissatut pilersaarummut tapertaassaaq.

Suliniutit aallartisarneqareersut malitsigisaanik siunnersuut itigartinneqassasoq Naalakkersuisut innersuussutigaa.

Nunatsinni hashi inerteqqutaammat aanngajaarniutinillu akiuiniarnermut atorneerluinerimullu suliniutit ersarissumik partiip tapersersorai Siumup erseqqissaatigaa. Innuttaasut peqqinnarnerusumik inuuneqalernissamat piunassuseqalersinneqarnissaanut pinaveersaartitsinerimi suliniutit qitiulluinnartut Siumup oqaatigaa. Nunatsinni innuttaasut akornanni haship atugaanerujussua Siumup annertuumik ernumassutigaa. Nunatsinni hashimut politikkeqalernissaq Siumumit tamakkiisumik tapersersorneqarpoq, taamaaliornikkut ajornartorsiut nungutilluinnarneqarsinnaaqullugu. Nunatsinni hashimik ajornartorsiuteqarnermut suliniutit Naalakkersuisunit aallartisarneqartut suliniutissatullu eqqarsaatersuutigineqartut Siumumit tapersersorneqarput. Hashimik ajornartorsiuteqarnermut suliniutit aallartinneqareersimammata siunnersuutip matuma taperserneqarnissaa pisariaqanngitsoq Siumut isumaqarpoq.

Hashimik ajornartorsiuteqarnermi akiuiniarnermi suliniutip anguneqarnissaa qulakkeerneqassammat Inuit Ataqatigiit siunnersuut tamakkiisumik tapersersorpaat. Hashimik ajornartorsiuteqarneq Hashimillu atorneerluineq nunatsinni annertoorejussuuvog innuttaasunut inuiaqatigiinnullu ataatsimut isigalugu ajornartorsiutaanera annertoorejussuulluni. Ajornartorsiut nakkutiginnikkaanni 1960-ikkunni imigassamik atuinerujussuup kingunerisai pitsaanngitsut inuiaqatigiit misigeqqissavaat.

Inuit Ataqatigiit oqaaseqaatiminni sukumiisunik arlalinnik siunnersuuteqarput suliniutinillu haship akiorniarneqarneranut ilisuusissatut pilersaarummut ilanngunneqarsinnaasunik tikkuussillutik. Hashimik ajornartorsiuteqarneq pillugu Namminersorlutik Oqartussat, kommunit matumani ilanngullugit nunaqarfiit, politiit inuiaqatigiinnilu innuttaasut

ataqatigiissaakkamik suleqatigiittariaqartut Inuit Ataqatigiinnit oqaatigineqarpoq. Inuuneritta II-mi iliuusissat suliniutillu pitsaasuusut Inuit Ataqatigiinniit oqaatigineqarpoq, taamaattorli suliniutigineqartut annertusineqartariaqartut taamaalilluni tamakkiinerusunngorsinnaaqqullugit, annertunerulersinnaaqqullugit, minnerunngitsumillu ataqatigiissinneqarsinnaaqqullugit.

Hashimik ajornartorsiuteqarnermut annertuumut aammalu inuppassuarnik, ilaqutariippassuarnik taakkununngalu attuumassuteqartunut aseruisuusumut immikkut suliniuteqartoqarnissaa pisariaqartoq Demokraatit aamma isumaqarput. Hashimik atonerluinerup kinguneranik meeqqat inuusuttullu inuuniarnermikkut ulorianartorsiortut aammalu haship meeqqanut inuusuttunullu saqqummiunneqartarnera unitsinneqarnissaanut pinaveersaartitsinermit suliniutit Demokraatinit immikkut pingaartinneqarput. Taamatuttaaq atonerluinerup ersiutigisartai Demokraatinit tikkuarneqarput innuttaasullu kaammattorlugit ataatsimut isigalugu atonerluineq pillugu meeqqatik oqaluuttassagaat matumani ilanngullugu hashimik atonerluineq. Hashimut akiuiniarluni suliniutinik arlalinnik aalajangersimasumillu iliuusissatut pilersaarummik Naalakkersuisut aallartitsereersimanerat Demokraatinit nuannaarutigineqarpoq. Hashimik atuinerup annertuup iliuseqarfiginiarneqarneranut nunatsinni innuttaasut pingaarutilimmik inissisimasut Demokraatinit erseqqissaatigineqarpoq. Innuttaasut hashimut naaggaartuuppata hashimik ajornartorsiuteqarneq qaangerneqarsinnaassagaluarpoq. Hashimik ajornartorsiuteqarneq pillugu Naalakkersuisut suliaqarnertik ingerlatiinnassagaat aammalu aanngajaarniutit imigassarlu pillugit siunnersuisooqatigiit, atonerluinermit siunnersortit atonerluisunut katsorsaaviit aammalu ingerlaavartumik hashi pillugu oqaaqqissaarinernik paasisitsiniaanernik siunnersuinernillu tusagassiuutit atorneqarnissaat Demokraatit kaammattuutigaat. Naalakkersuisuni iliuusissat suliniutillu ingerlanneqareersut innersuussutigalugit siunnersuut itigartinneqassasoq Demokraatinit inassutigineqarpoq.

Inuiaqatigiinni hashimik annertoorujussuarmik ajornartorsiuteqartoqartoq Partii naleqqap oqaatigaa periarfissarlu iluatsillugu inuusuttuaqqat akornanni haship ilisimaneqarneranik atorneqarneranillu ersersitsisoq MIO-p misissuisimanera issuaaffigalugu. Suliffeqarfiit, ilinniagaqarfiit aamma suliffiit hashi pillugu politikkeqalernissamut kaammattuisoqarnissaanut pilersaarut Partii Naleqqamit tapersorneqarpoq.

Naak politiinit pisortanillu hashi akiorniarlugu suliniuteqartoqaraluartoq suli annertuumik ajornartorsiutaasoq taamalu suliniutaasuni ajornartorsiutaasup aaqqinneqarnissaanut politikikkut suleqatiginnerup annertusineqarnissaa pisariaqartoq Atassumit erseqqissaatigineqarpoq. Periutsit suliniutit iliusissallu nutaat ajornartorsiutip annertusiartuinnartup nungutilluinnarneqarnissaanut pisariaqartutut isikkoqarpoq.

Tamanna tunngavigalugu siunnersuut ataatsimiititaliami suliarineqartussanngorlugu innersuunneqarpoq.

### **Ataatsimiititaliap Siunnersuummik suliarinninnera**

Hashimik ajornartorsiuteqarneq annertuujuusoq ajoqutaasorlu Inatsisartuni partiit assigalugit ataatsimiititaliaq isumaqarpoq. Tamanna naammattorsuarmik uppersarsarneqareernikuuvoq, hashimik ajornartorsiuteqarnerup akiorniarneqarneranut iliuusissatut pilersaaruteqarnissamik ataatsimut ataqatigiissaakkamik pisariaqartitsisoqarpoq aammalu iliuusissatut pilersaarusiorneq tunngaviatigut Naalakkersuisoqarfiit akimorlugit suleqatigiissutigineqartariaqarluni.

Aammattaq ajornartorsiutip annertussusaa pillugu politiinit Namminersorlutillu Oqartussanit ataatsimoorluni suliniuteqarnissaq pisariaqarpoq. Ataatsimut pinaveersaartitsilluni suliniutit toqqaannartumik annertusineqartariaqarput naleqqussarneqartariaqarlutillu, taamaalilluni ajornartorsiutaasoq aqunneqarsinnaalerniassammat nungutivinneqarsinnaaniassammallu. Annertuumik hashimik ajornartorsiuteqarnerup qaangerniarnerani inuiaqatigiit innuttaasullu suleqataanissaat aamma pingaaruteqarpoq. Innuttaasut ullumikkut hashimut NAAGGAARUNIK aqagu nunarput hashimik ajornartorsiutaarussinnaavoq.

Toqqaannartumik toqqaannangikkaluartumilluunniit suliniuterpassuaqaraluartoq, hashi pillugu siunnersuut manna aappassaaneernerata nalaani uaneralaannguaq inoqarpoq hashimik pujortartunik tuniniaasunilluunniit. Unioqutitsinerit tamakku, ersikunik ersinngikkunilluunniit nutaamik eqqarsarnissamut piumassuseqalersitsisarunarput aaqqiissuteqarniarnermilu amerlanerusunik suleqatigiissitsilertarluni. Ajornartorsiutinik aaqqiiniarluta Innuttaaqataasugut ajornartorsiutit pillugit oqaloqatigiilluarnerusariaqarpugut iliuuseqarlutalu. Matumani nuna tamakkerlugu illoqarfinni nunaqarfinnilu. Innuttaasut akornanni sumi najugaqarneq kinaanerlu apeqqutaatinnagit haship ajornartorsiutaaneranut isummertarnerup allanngortinnissaanut siunnerfilimmik sulisoqartariaqarpoq.

Politiit teknikkikkut misissuinerisa nukittorsarneqarnissaanut innuttaasullu inigisaminnut, nerisaqarnerminnut, pilersuinerminnut pisussaaaffimminnullu allanut atugassaraluaminnik hashimik pisillutillu tuniniaanissamut periarfissaat ajornarnerulernissaa inuiaqatigiini aningaasat tigorianaanaat atorunnaarnerisigut anguneqarsinnaanersoq imminut aperisariaqarpoq. Hashimik atonerluinerup, imigassamik atonerluinerup aningaasanoorajuttuunerlu assigalugit aningaasaqarnikkut ajornartorsiuteqartarneq ingerlaavartunngortittarpaa, ilaqutariit inuiaqatigiillu avissaartuunnerisa saniatigut inuuniarnikkut ajornartorsiortitsilersarluni innuttaasullu akornanni akerleriinnernik pilersitsisararluni.

Oqartussat, tusagassiuutit inuiaqatigiinnilu innuttaasut hashimik atonerluinerup hashillu piunerata annikillisinneqarnissaa pillugu suleqatigiinnissamut periarfissalerujussuuvoq. Nunap ilaani qitiusukkaartumik illoqarfikkaartumillu annikillisaanermik politikkeqalernissaaq illoqarfiit hasheqannginnerannik, nunaqarfiit hasheqannginnerannik nunap aggornerini hasheqanngineranik ilaalu ilanngullugit tannassimaarutiginnissaat pillugu tapersersuisumik eqqartuisussamillu sulisoqarsinnaavoq, taamaaliornikkut inuiaqatigiit, ilaqutariit innuttaasullu atonerluinermit naqisimaneqarnermiit aniguinissamik kissaateqartut atonerluinermit naqisimaneerunniassammata. Innuttaasorpasuit hashitorneq ajortut qasusuillutillu allanik ikiuisartut hashimillu atuiumanatik atonerluisuujumangitsullu ataatsimiititaliap annertuumik nersuulaarpai. Nukiit pitsaasut tapersersorneqarlutillu kaammattorneqassapput inuiaqatigiinni toqqammaviummata inuunermilu hashitunnginnissamik tapersersuisuullutik.

Arlaannilluunniit atonerluineq alianartunik, innarliinernik, anniaatinik, sumiginnaanernik il.il. pisoqartartoq atonerluinermilu katsorsaanerit kisimik isumalluutaasinnaangimmata atonerluinerullu pilersitaanik pissutsit oqilisarneqarnissaat pinaveersaartinneqarnissaallu aamma sulissutigineqartariaqartoq ataatsimiititaliamit ilisimalluarneqarpoq.

Siunnersuummik matuminnga suliaqarneq iluatsillugu nassuiaat UPA 2014-imeersoq “Atonerluineramik katsorsaaneq – pisariaqartitsineq inuiaqatigiinnilu iluanaarutissat”, imigassamik atonerluineramik, hashimik atonerluineramik aningaasanoormillu pinngitsuisinnaangitsut (aningaasanoorajunneq) nunatsinni atonerluinerpaaffiusunut tunngatillugu atonerluinermit katsorsaannissamik neqerooruteqarnikkut inuiaqatigiinni iluanaarutissat annertuneri paatsuugassaangitsumik nassuiarneqarlutillu uppersarneqarsimasut ataatsimiititaliap erseqqissaatigissavaa. Nalunaarusiaq 2015-imi sap. ak. 18-imi Naalackersuisut malitseqartippaat “siunissami atonerluinermit katsorsaasarnissamut nuna tamakkerlugu pilersaarummut siunnersuut”, konto pingaarneq 34.11.08-mi aningaasanut immikkoortinneqartunut tunngavilersuutitut AIS 2016-p aappasaaneernejarnerani akissuteqaammi erseqqissaatigineqarpoq.

Suliniutit taakku ataatsimiititaliamit tamakkiisumik tapersersorneqarput, suliniutilli sukkulluunniit iluarsineqartarnissaat piareersimaffigineqartariaqarpoq, naatsorsuutigineqartut sunnuteqarsinnaaniassammata. Hashimut akiuinarneq Naalackersuisoqarfiit akimorlugit suleqatiginnerisigut Naalackersuisullu ataqatigiissaarinerisigut aallaaveqartumik iliuusissatut pilersaarusiortoqarnissaanik pisariaqartitsisoqartoq ataatsimiititaliamit pingaartillugu erseqqissaatigineqarpoq. Atonerluinermit iliuusissatut pilersaarusiormermit suliniuteqarnissaaq eqqumaffiginninnissarlu Naalackersuisut suliassaqarfii attuumassuteqartut tamaasa susassaqarfigissavaat attuumassuteqarfigalugillu. Matumani assersuutigalugu – isumaginninnermut tunngasut – peqqinnissamut tunngasut – suliffeqarnermut, ilaalu ilanngullugit. Hashimik atonerluinerup kingunerisartagai pineqartumi immikkoortortaqarfiit tamaasa eqqortarpai. Imarsiornermut

ilinniarfimmi hashi pillugu politikkimut tunngatillugu Ilinniartitaanermut Naalakkersuisup Nivi Olsenip tapersiilluni oqaaserisai tusagassiuutitut nalunaaruteqarnermi ataatsimiititaliamit nersualarneqarpoq, tamatumunngalu atatillugu hashimik atorneerluinerup akiorniarneqarneranut tamanut ammasumik Naalakkersuisut annertunerusumik tapersersueqqullugit tigussaasumillu iliuusissatut pilersaarusiornissaannik qinnuigalugit. Atorneerluineq inuuniarnikkut ajornartorsiutinik pilersitsisarpoq, inuit inuuniarnermikkut aningaasaqarnikkullu inissisimanerlutsilersarlugit. Hashimik atorneerluinerup kinguneri peqqinnissaqarfimmut tassungalu ilanngullugu tarnip pissusaanik suliaqarfik artukkiisarput. Hashimi atorneerluisut ilinniakkamik ingerlatsiniarnertik ajornartorsiutigisarpaat ilinniarnerminnilu avatangiisiminnut peqqinnanngitsumik pilersitsisarlutik. Hashi hashimillu atorneerluineq pinerlunniartalerneermik malitseqartarpoq.

Hashimik atorneerluinerup akiorneqarnissaanut iliuusissatut pilersaarutissaq nuna tamakkerlugu atuutissasoq ilanngullugu ataatsimiititaliap erseqqissaatigaa. Nuna tamakkerlugu atuutissaaq sapinngisamillu amerlanerpaat ilaatinneqarlutillu suleqataassapput. Oqartussat oqartussaaffiillu aammalu suliffeqarfiit siunnersuuteqartumit partiinillu taaneqartut saniatigut timersornermut peqatigiiffiit aamma meeqqanik inuusuttunillu suliaqarnermi ilisimasaqartut haship akiorniarneqarnerani pinaveersaartitsilluni sulianik aallartitsisariaqarput. Iliuusissatut pilersaarut nuna tamakkerlugu kisiannili aamma illoqarfinni suliniuteqarnissamut pinaveersaartitsinermilu suliniuteqarnissamut hashillu akiorniarneqarneranut hashimillu atorneerluinerup suliniuteqarnissamut qulakkeerisuussalluni.

### **Ataatsimiinnerit**

Ulloq 11. november 2015 atorneerluisunik katsorsaasarfik *Katsorsaavik Nuuk ApS* ukiuni arlaqalersuni imigassamik, hashimik aningaasanoorajuttuunermillu aammalu akuleriisitsillutik atorneerluisunut katsorsaaneermik misilittagaqartoq ataatsimiititaliamit ataatsimeeqatigineqarpoq. Maannamut atorneerluinerneermik katsorsaasarneerit paasisaqarfigineri ataatsimiititaliamut nalitupput.

Katsorsaaviup naatsorsueqqissaarnerani ilaatigut paasineqarpoq inuit atorneerluinerneermik katsorsartissimasut 90 %-tii angerlarsimaffimmi atorneerluisoqarfimmi peroriartortuusut. Kisitsit taanna nammineq oqaluttuarpoq atorneerluinerneermut aaqqiissuteqartoqartariaqarneranik taamaalilluni atorneerluineq kinguaariit tulliisa kingornutinnginniassammassuk.

### **Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnerani aningaasatigut allaffissornikkullu kingunerisassat siunnersuutip tunngavilersorneqarnerani allaaserineqassasut.

Siunnersuutip piviusunngortinneqarnissaanut ukiumut AC-mut missingersuutit qaangerneqarnaviannngitsut oqaatigineqartoq siunnersuummi aningaasatigut kingunerisassatut allassimasup naapertuunnera ataatsimiititaliamit tusaatissatut tiguneqarpoq. Ilinniartitaanermut Naalakkersuisoqarfimmut aamma Peqqissutsimut Naalakkersuisoqarfimmut aningaasaliissutit piusut iluini aningaasat nassaarineqarsinnaasut siunnersuummi aamma oqaatigineqarpoq, Naalakkersuisoqarfiit taakku ajornartorsiutigineqartut suliassaasa ilagimmatigit.

### **Hashimik atornerluinerup qaangerniarneqarnerani partiit ataatsimoorput**

Siunnersuutip siullermeerneqarnerani hashimut akiuiniarluni suliniutinut sukumiisumik siunnersuuterpassuaqartoq ataatsimiititaliap maluginiarpa. Siunnersuutit sukumiisut taakku nalilersorluarneqarnissaannut piffissaqarnissaq ataatsimiititaliamut pingaaruteqarpoq, taamaaliornikkut siunnersuummik matuminnga suliaqarneq kinguneqarsinnaaniassamat hashimillu ajornartorsiuteqarnerup suujunnaarsinneqarnissaanut ataatsimoorluni politikikkut anguniakkanik kivitseqataasoqarsinnaaqullugu.

Nunatsinni hashimik ajornartorsiuteqarnerujussuaq partiit tamanit isiginiarneqarnerani assigiinngitsunillu arlalinnik ingerlatanik suliniutissanillu siunnersuuteqarnikkut nunatsinni hashimik ajornartorsiuteqarneq qaangerumallugu ataatsimoorusunnerini, Naalakkersuisut **hashimut akiuiniarnermi iliuusissatut pilersaarutaanni** suliniutit ingerlatallu pillugit oqaloqatigiinnissamat isumaqatigiinniarnissamullu piaartumik partiinut ataqatigiissaakkamik Peqqissutsimut Naalakkersuisoq qaaqussasooq ataatsimiititaliamit kaammattuutigineqassaaq. Tamanna partiinut ataasiakkaanut hashimut akiuiniarluni suliniuteqarnermut taakkulu pingaartinneqarnissaannik ataatsimut sunniuteqarnissamat, piginneqataasutullu misiginissamat kinguneqassaaq.

Nunatsinni politiit hashimut akiuiniarneq pillugu, ajornartorsiullu pillugu nunatsinni oqartussat suleqatigiinnerat pillugu partiit ilisimatinneqarnissaannut qaaquseqqullugit taamatuttaaq Naalakkersuisut ataatsimiititaliamit kaammattorneqarput. Suliniutigineqartoq taamaattoq hashimik ajornartorsiuteqarnermut ilisimasanut pioreersunut suliniutillu ataqatigiissaarneqarnissaannut aamma iluaqutaassaaq, politikikkut qanoq suliniuteqartoqassanersoq takorluukkallu qanoq piviusunngortinneqassanersut piviusorsortumillu suliniutit iliuusissallu aallaavigalugit. Poliitiit nunatsinnilu oqartussat nukissanik iliuusissanillu amigaateqartut paasinarsissagaluarpat siunissami pingaarnersiunissami matumani ilanngullugu nukissanik annertunerusunik aaqqiissutissanillu suliniuteqarnissamat siunnersuuteqarnissamat politikikkut partiit kimigiiserumaarput.

### **Allanguutissatut siunnersuut**

Nunatsinni hashimik ajornartorsiuteqarneq annertummat siunnersuut ataatsimiititaliamit aalajangiusimaannarneqarniarpoq taamaaliornikkut Naalakkersuisut nunatsinni hashimik

ajornartorsiuteqarneq pillugu suliassaqarfiit akimorlugit ataqatigiissaakkamik tamakkiisumillu suliniuteqarniassammata.

Meeqqat atuartut aanngajaarniutininik atuineranik kiisalu inuusuttut pujortartarnermik misilittagaannik misissuineq Qeqqata Kommuniani kommunalbestyrelsip ataatsimiinnerani ulloq 26. november 2015 saqqummiunneqartoq ataatsimiititaliap ilisimavaa. Kommunimi atuartut amerlasuut pujortartarneq misilissimagaat misissuinerup takutippaa. Matumani pingaartumik akullerni angajullernilu. Kiisalu aamma misissuinerup takutippaa atuartorpassuit imigassamik misiliisimasut, pingaartumik atuartut aqqanillit sinnerlugit ukiullit akерlianilli amerlanngitsut naamaarneq misilissimagaat. Taakkua saniatigut atuartut amerlasuut angerlarsimaffimmini aamma illoqarfimmini/nunaqarfimmini pujortarneq, imigassaq aamma hashi ajornartorsiutaasutut misigisimavaat.

Meeqqat atuartut akornani hashimik, pujortarnermik aamma imigassamik ajornartorsiutip annertunera kommunimit ilaatigut eqqumaffigineqarmat ataatsimiititaliamit nersualaarneqarpoq.

Danmarkimi nunatsinnilu kingullertigut hashimik atuneq pillugu misissuisimanerup ilanngullugu takutippaa hashi sakkortusiartortoq taamaalillunilu peqqissutsimut ajoqutaanera annertusinerusimalluni, taamaattumik tamanna tunngavigalugu ajornartorsiut ilungersunartutut isigisariaqarpoq, taamaaliornikkut nunatsinni hashimik atuinerup tarnikkut kingunerluutigisinnaasai ilanngullugit pinaveersaartinniassagatsigit.

Hashimik akiuiniarluni suliniutit ajornartorsiutip annertussusaanut siaruaassimaneranullu sukkulluunniit pinaveersaartitsinerup saniatigut atonerluinerup katsorsaanerup nukittorsarneqarnissaa aamma pinaveersaartitsinerup suliniutit aamma hashi akiorniarlugu suliniutit tamarmik nukittorsarneqarnissaat pisariaqartipparput.

Nunatsinni hashimik ajornartorsiuteqarnermut annertusiartortumut Naalackersuisut tamakkiisumik aaqquissuussaasumillu suliniuteqarnissaasa siuartinneqarnissaat ataatsimiititaliamit kissaatigineqarpoq, taamaattumillu ataatsimiititaliaq siunnersuummut imatut allannguutissatut siunnersuuteqassalluni:

**Hashimik ajornartorsiuteqarnerup akiorniarneqarneranut nuna tamakkerlugu suliniutissatut pilersaarummik Naalackersuisut UPA 2016-imut saqqummiusseqqullugit peqquneqarnissaat pillugu Inatsisartut aalajangiiffigisassaattut siunnersuut.**

Naalackersuisut partiinut tamanut qaaqusissutissaanni partiit tamarmik isumassarsiaat pitsaasut siunnersuutaallu nalilersorneqassapput, piviusorsiortumik suliarineqarlutik



hashimillu ajornartorsiuteqarnerup akiorniarneqarneranut ataatsimut suliniutitut pilersaarummi pingaartinneqassallutik.

Nunatsinni haship ajornartorsiutaaneranut akiuiniarnermut ataqatigiissumik ataatsimullu suliniummut pilersaarummik suliaqarnissaq qulakkeerniarneqartoq ataatsimiititaliaq isumaqarpoq. Inuuneritta II-mi suliarineqarsimasut pilersaarutillu ataatsimiititaliamit iluarisimaarneqarlutik akuersaarneqarput. Naalakkersuisut partiinut politikikkut suliniutissat pillugit isumaqatiginninniarlutik qaaqqusinissaanut ataatsimiititaliaq qilanaarpoq, periusissat suliniuteqarnermullu pilersaarutit annertusineqarlutillu iluarsineqarniassammata, taamaalillunilu ataatsimoorussamik nunatsinni hashimik ajornartorsiuteqarnerup nakkutigineqarnissaa pillugu politikikkut anguniakkat anguneqarsinnaaniassammata. Meeqqat inuusuttullu hashimut illersorneqarnissaat pillugu immikkut suliniuteqartoqarnissaa ataatsimiititaliap aalajangiusimavaa. Meeqqat inuusuttullu hashimik ilisimasaqarnerat atuinerallu pillugu misissuisimanerit atuarlugit ernumanartorujussuupput, taamaattumik immikkut pinaveersaartitsinermik suliniuteqarfigineqarnissaat pisariaqarpoq.

Nuna tamakkerlugu hashimut akiuiniarluni pilersaarummik ataatsimut ataqatigiissaakkamillu suliniuteqarnissamut maannangaaq Inatsisartunit ataatsimoorfigineqarnissaa ataatsimiititaliamit kissaatigineqarpoq, taamaattumillu allannguutissatut siunnersuutip aalajangiusimaannarneqarnissaanut tapersiisoqarnissaanik kaammattuuteqarlutik. Ataatsimoorussamik suliniutitut pilersaarummik suliaqarnissaq pitsaanerpaavoq.

### **Ataatsimiititaliap inassuteqaatai**

### **Ataatsimiititaliap isumaqatigiittup allannguutissatut siunnersuut saqqummiunneqartoq akuerineqarnissaa inassutigaa siunnersuutaacaqqaartorlu itigartinneqassasog inassutigalugu.**

Taama oqaaseqarluni isumaliutissiisummilu oqaatigineqartutut paasinnilluni ataatsimiititaliap siunnersuut aappasaaniigassanngortippaa.

---

Tillie Martinussen,  
Siulittaasoq

---

Agathe Fontain

---

Jess Svane

---

Laura Tàunâjik

---

Ineqi Kielsen

---

Ane Hansen

---

Mimi Karlsen